


LEZA NGU SIKUPANDULULA

LWAKWE MWINI

 Taata Wesu Wakujulu, Ijwi kuzwa kuli Nduwe inga lyaamba kunji kwiinda muntu oonse kufumbwa ciindi ncakonzya ku cita na kwaamba, nkaambo bantu ba lindila kubona Nduwe. Alimwi twa ku lumba Yebo nkaambo kuli baabo ba li kungsi aa bulangizi, bali mu kulangila cintu cimwi kuti cicitike. Alimwi ciindi bantu nobali mukufwida nyota ku cintu cimwi, i lwizi lulaita ku Lwizi nyina, ku leelede kuba i Lwizi lu vwiila ku kwiita ooko. Alimwi aako nkekaambo ncotuli wano masiku ano, nkaambo cakali aa myoyo ya bakautasi aba, alimwi a bantu, ku twiita swebo antoomwe kuti tu kulombe Yebo nkaambo ka luzyalo a zileleko, kusyoma kuti Uu yoo ponya baciswa a ku futula i basweekede, alimwi uyo tondeezya Ijwi Lyako.

² Alimwi twa lomba, Taata Ulikujulu, kuti Uu yoo eci kuli ndiswe mbuli mbo tu lindila cabubombe aali Nduwe, busiku a busiku. Ndilombozya kuti ku kabe boobu i—i kutilwa kwa Muuya Uusalala, alimwi ndalombozya kuti muntu oonse aofwaale kufumbwa ku cintu coonse ciba zyungulukide kunze lya Leza. Ndalombozya kuti kube boobu koongolola kupati aa kati ka bantu, kabafwanyota ya Leza, mane kuka boole lubukulusyo kwiinda mu cisi coonse awa alimwi a mbungano yoonse kuti ika bikkwe kuzula kwa bantu, basizibi ka boompolola nkaambo ka Leza kuti basizibi batambule luse, alimwi—alimwi i Muuya Uusalala kuu ponya bantu, kubamba balema i kuti beende, alimwi a ku busya bafwide, alimwi a kupa zintu eezi zyaka syomezegwa mu Ijwi Lyako.

³ Boola, Mwami Jesu, a kuzuzikizya cisyomyo Cako. Boola kulindiswe masiku ano. Tu lasyoma kuti Yebo nduwe mbobuca nguwenya, sunu, a muyamyaka, ikuti zisyomyo Zyako tazikozyi kuloba. Oonse majulu a nyika ziyooloba pele Ijwi Lyako ta li kalobi. Ndalombozya kuti kumvwisya kwesu kujuke. Ndalombozya kuti Muuya Uusalala uboole a kubika bulongo bupandidwe. Ndilombozya kuti kumvwisya kwesu kube kujukide ku Muuya aku nguzu zya Leza masiku ano, ikuti A konzye kutondeezya Majwi Aakwe aaka syomezegwa kwiinda muli ndiswe. Nkambo twa cilomba mu Zina lya Jesu. Amenii.

⁴ Lino, masiku ano, nywebo no mu langilila cibalo, a tu jule i mu Bbaibbele i ku Bbuku lya Petro Wabili, akutalika antoomwe akapango ka 15, buyo kwa nzila ya ku kanana aa Lugwalo kwa kaindi ka syoonto.

A kwalo Nda su ngwaalila kuti ne nda zwa ka mu cinoya bu yeeya makani aa ya lyaonse.

Nkambo tee twakali katobela zya kusongwaala songwaala zintu, mankwangalizya, cindi ni twa ka muzibya makani aa nguzu a ku boola kwa Muami Jesu Kristo, nkambo twakabona bupati bwakwe mumesoesu tubeni.

⁵ Ndila ciyanda eco, “mumesoesu.” Ikutali inkwangalizya zimwi. Tuli kamboni wa ceeco nco tuli mu kwaambaula.

Nkambo wa ka tambula kuzwa kuli Leza Wisi lulemeko abulemu, alimwi nkabela waka sikilwa eli ijwi lizwa ku bulemu bupati lya kuti, Ngooyu i Mwanu wangu uyandwa, mu li nguwe Mwe nko ndelwa.

Elyo eli jwi twa ka limvwa lya kazwa kujulu, cindi no twa kali aawe ku cilundu cisalala.

Tuli jisi akwalo lusinizyo lwaka simpikizigwa lwa jwi lya businsimi; kuli nywebo inga mwa cita kabotu kuti nywebo kucenjela, mbuli ku lampi li munika mu...mubusena bwamudima, mane kusikila ku bucedo, a ku mazwido aa ntanda mu myoyo wanu:

Kuziba eci lutanzi, kuti masinsime aa magwalo taako pandululwa ku muntu omwe.

Nkambo teensi luyando lwa muntu lwa ka leta businsimi mu ziindi kalekale pe: pele muntu uusalala wa Leza ba kaamba mbu baka sungulwa ku Muwya Uusalala.

⁶ Ndalombozwa Mwami a yungizye zilongezyo Zyakwe i ku kubala kwa Jwi Lyakwe. Lino, Ndi yo bweza eci ku ciiyo: *Leza Ngu Sikupandulula Lwakwe Mwini.*

⁷ Tu li muku pona mu buzuba bwa kunyongana. Tuli mukupona mu buzuba oobo ciindi mwaalumi a banakazi no batezi eco caku cita nociceya. Zintuzyoonse, ku—ku kuboneka kuba mu lupyopyongano. Zintuzyoonse, kuboneka kuba kuti kuli nzila zinji loko zyaandeene zya kulanga. Ngu Saatani, ku cita eco.

⁸ Lino, Leza takonzyi kubeteka bantu ca kululama, kabotu, cita kuti kuli ceesyo cimwi eeco Nca eeledo ku ba betesya aco. Alimwi Bbaibbele lyaamba kuti Uu yoo beteka muntu oonse kwiinda muli Jesu Kristo, alimwi Jesu Kristo ngu Ijwi. Mu Musalali Johane, i cipati 1, Lya kati:

Ku matalikilo Ijwi wa ka liko, alimwi Ijwi wakali a ntoomwe aa Leza, alimwi Ijwi oyo wakali Leza.

Alimwi Ijwi lyaka fungula kuba mu mubili wa buntu, alimwi wakakkala kkala akati kesu, . . .

⁹ Lino, toonse sunu mbo tubede tu li kutondezegwa kwa bube Bwakwe. Muli Leza . . . Lutaanzi akwalo Ta na kali Leza, Leza, inga twa Mwi ita buyo kuti “oyo Umwi Utamani.” Ta na kali Leza, nkaambo i bbala (bbala lya Chikuwa) *Leza* lyaamba “cintu ca kukomba” kwakanyina cintu no ciba comwe kuti ci Mu kombe. Aboobo Wa kali oyo Umwi Utamani, i—i Kasensa kapati i ka bupampu boonse. Alimwi mu Kasensa aaka ka bupampu boonse tii kwa kali atomu, molekkwu, na kakutakwecintu, mumuni kautako, nyenyeezi, mweezi, kakutakwecintu cimbi. Leza, eco nco tuzi mbuli Leza, i Muuya mupati oyo wakali Utamani (kwiina naka talika, kwiina na kagola), Wa kaliko kuya. Alimwi muli Nguwe kwakali bube: bwakali bube ku ba Leza, mpoona bube Bwakwe ku ba Taata, bube ku ba Mwana, bube ku ba i Mufutuli, bube kuba i Sikuponya. Boonse bube obu bwakali muli Nguwe. Alimwi lino Wa . . . Ezi zintu ezyo zyaka yubunuka kuzwa ciindi eco ngo bube Bwakwe buyo buli muku tondeezegwa.

¹⁰ Eco Nce ndaaamba, *bube* bwakali “miyeyi” Yakwe. Alimwi i—i *ijwi* ngo “muyeyo wa tondezegwa.” Alimwi mpawo eco cakali mu kuyeyya Kwakwe. Alimwi cindi Na kaamba, “A kube,” elyo kwa kaba. “A kube,” elyo kwa kaba.

¹¹ Alimwi lino, amuyeyee, nywebo no Banakristo mwakali miyeyo Yakwe kaku tanaba nyika. Alimwi nywebo muli kutondezegwa kwa kuyeyya Kwakwe. Akwalo kaku tanaba i nyika, nywebo mwakali muli Kristo, (ameni) mu li Leza mu matalikilo. Eeco ci mubamba, mpawo, nywebo mwabona, beendelezegwa Anguwe. Alimwi i cintu coonse ngu Leza, Lwakwe, kali mukubacintu Lwakwe cila bujate kutegwa A konzye kujatwajata, kubonwa, alimwi—alimwi zimwi zimbi. Alimwi eeco ncecakali Leza mbwabede, i ciintu mbo cizulwa.

¹² Nkabela bantu balaamba, “I bupanduluzi . . .” Nda kali kukanana awa kutali ciindi cilamfu cainda mu muswaangano, muntu wa kati kuli ndime, wa kati, “Mukwesu Branham, yebo ujisi i bupanduluzi bulubide. Yebo topandululi Eco kabotu pe.”

¹³ Lino, tu lamvwa . . . Ba lainka ku Methodisti, alimwi ba laamba “I bana Baptisti taba pandululi kabotu.” I bana Baptisti ba laamba, “I ba Pentekoste taba citi.” I bana Pentekosti ba laamba kuti “I—i Oneness taba citi.” I baa Oneness ba laamba, “I ba Assemblies taba citi.” Alimwi imwi aimwi ba laamba bamwi taba citi.

¹⁴ Leza ngu Sikupandulula Lwakwe Mwini! Ta yandi kufumbwa muntu kuti a Mu pandulwide. Uu lacita ku pandulula Lwakwe Mwini. Nguni i muntu oyo uukonzya ku pandulula Leza? Leza ngu Sikupandulula Lwakwe Mwini.

¹⁵ Lino, Petro kakanana awa, tu jana kuti ku matalikilo i cindi Leza na kaamba, “A kube mumuni,” elyo kwa kaba mumuni, obo mbo bupanduluzi kuli ncico. Cindi Leza na

kaamba kufumbwa cintu alimwi caka tondeezegwa, nkokuti oobo mbo bupanduluzi bwa Leza ikuti Ijwi Lyakwe lili luleme. Mwabona? Cindi Na kaamba, “A kube mumuni,” oko kwa kali mu kuyeeya Kwakwe kutaanzi ka ku tanaba cintu cili boobo mbuli mumuni. Cindi Na kaamba, “A kube mumuni,” mumuni wa kaba mu milengalenga, obo mbo bupanduluzi. Taakwe muntu uyeelede ku pandulula eco, nkambo Leza wa kaamba boobo alimwi eeco cakaba. Cindi Leza a kanana nkabela ca yubunuka, obo mbo bupanduluzi bwa Ijwi Lyakwe. Nkaambonzi baalumi tabakonzyi kubona eco? Nkaambonzi bantu taba boni eco?

¹⁶ Cindi Leza a panga cisyomyo alimwi Leza ulaamba... Ku—ku kukutalika, ku Matalikilo, Wa kaabila Ijwi Lyakwe ku bukalo abukalo mbuli Mbu lya kaboola kuya ansi kuzwa kukutalika kusika ku mamanino. Alimwi, ansi kwiinda mu makkalo aya, imbungano yanyika ilijisi zintu eezi zyoonse kazi sanganisidwe zyoonse kwiinda mu tunsiyansiya, a zimwi zimbi, alimwi Leza lyoonse ula tuma acitikilwa, ansi kwiinda mu Cizuminano Cakale a Cipy, basinsimi! Alimwi Ijwi lya Mwami lila boola ku musinsimi. Alimwi mbu buti mbo Li cicita? Li la yubununa Ijwi lya Leza. Kuyubunuka kwa Leza, oko nko kwaamba kuti cili luleme na cili lubide. Kwiina muntu ueelede ku Li pandulula, Ijwi lila lipandulula Lwalyo. Leza wa kali syomezya elyo mpaawo lila citika!

¹⁷ Ino mbu botu nzi mbo cicita kwaamba kufumbwa cintu cimbi kujatikizya Neico? Nguni i muntu sizibi oyo unga wa sola kwaamba (cindi Leza na kabamba cisyomyo elyo Leza ula cicita) obo obo bupanduluzi buli lubide? Ooyu ngu Leza Lwakwe kali mukucita bupanduluzi Bwakwe Mwini, kupandulula. Ta yandi kufumbwa muntu kuti a Mu pandulule, Uu la lipandulula Lwakwe kwiinda mu kuyubununa eco Nca kasyomezya ikuti Uu yoo cita.

¹⁸ Oh, ikuti mbungano ya konzya buyo kubona eco a kubona zisyomyo ezyo zyakaabilwa bukkalo a bukkalo! Oonse makkalo ambi, Leza waka tuma acitikilwa (akwalo ansi kwiinda mu makkalo aa mbungano zili ciloba) alimwi waka yubununa zintuzyoonse ezyo Nzya ka syomezya kucita. Zintuzyoonse, takukwe cintu nociba cimwi cata kacitwa. Mbombubo! Eeco Nca kaamba kuti Uu yoo cita, eeco Wa ka cicita.

¹⁹ Nkaambo cindi Leza nakaamba, mu kaindi kuya muli Isaya, Wa kaamba, “I musimbi uyoo mita,” elyo waa kacita. Lino, nguni—nguni uukonzya kupandulula eco? Leza waka cita bupanduluzi. Wa kati, “I musimbi uyoo mita,” elyo waa ka mita. Lino, ino yebo ulimu...yebo tokonzyi...Kunyina cikonzya kwaambwa kujatikizya eco, nkaambo Leza wa kaamba kuti uyoomita elyo waa ka cicita. Pele mbungano

ya kali oofwede loko mpawo ku cibona. Mwabona, bakali jisi muyeeyo wabo beni wa ncico. Ca kali iimpene loko—loko kwiinda eeco nco bakali kulangila.

²⁰ Petro awa wakali kutondeka kusule, wa kati, “Leza wakatondezya Kristo kwiinda mu Ijwi Lyakwe, Wa kati, ‘Oyo ngo Mwana Wangu ngwenkondelwa.’” Aaba basyomi bakali kwiimvwi alya. Alimwi Kristo wakali i kutondezegwa kwa Leza. Ula yubununa Kristo lyoonse kwiinda ku Ijwi Lyakwe, nkaambo Kristo ngu Ijwi. Uu la yubununa lyoonse.

²¹ Cindi Na kaamba... Mu mazuba aa kwa Nowa, Kristo wakali muli Nowa. Sena mula syoma eco? Nowa wakati, “I ya kuwa invula. Kuya kuba invula, i nyika iyoo nyonyoonwa.” Ya kawa. Eco tee cakayanda bupanduluzi buli boonse. Ya kawa nkaambo Leza, muli Nowa, wakati, “I ya kuwa invula.” Wa ka li musinsimi, alimwi citondezyo cakali cakuti eco nca kaamba ci boola ku citika. Aboobo taba yandiki ku pandulula eco.

²² Bamwi babo ndiza inga, koonse, bati, “Oyo muntu tazi eco ncali mu ku kwaamba.”

²³ Pele Leza lyoonse waka syomezya, “Ikuti na kwaba muntu umwi akati lyanu uli ngu simuuya, na musinsimi, alimwi eeco nca amba ca boola kucitika, nkokuti amu ciswiilile.” Eeco cili kabotu, nkaambo cili kasimpe. Ci leelede kuba muku zuminana atoomwe a Ijwi. Alimwi Nowa wakali muku zuminana antoomwe a Ijwi. Cindi naa kasinsima kuti i ya kuwa invula, eelyo ya kawa. Eco tii caka yanda bupanduluzi buli boonse kuli eco, nkaambo ca kacita buyo eco.

²⁴ Isaya wakati, “I musimbi uyoo mita,” elyo waa kacita. Lino, eco cakali cigambya loko. Nkambo, mwabona, ca kali myaaka iili myaanda kale musimbi oyo katana mita.

²⁵ Ca kali cigambyo ciyoosya ku sikila muntu mubotu wa zina lya Josefa, mulumi wakwe, “mbwakali muntu ululeme alimwi tana kali kuyanda ku muusya nsoni ku bantu...” Oyo muntu mubotu mu mazuba ayo, nzila mbo ca keelede kuba a Josefa cindi naa katangidwe, wakali tangidwe kuli Mariya.

²⁶ Waa kali tangidwe. Mu buzuba obo, ku sotoka eco, ca kali buyo mbubonya mbuli kucita bumambi. Alimwi, mu bwini, kuli Josefa, ca ka boneka mbuli kuti Mariya wa kali kusola ikumu belesya kuba ciyubilo, na ku mu panga kuba cikwabilizyo kubu lubizi bwakwe, nkaambo awo waa ka janwa kuba mutumbu, kakuli tana ka kwetwe, wakatangidwe buyo. I kooze mbuli kaako, inga waumwa mabwe mane kulufu; ca ka leelede kuba, kwiinda ku mulao.

²⁷ Alimwi Josefa, mulumi wakwe, wakali muntu uu luleme, muntu uu luleme loko. Wa ka syoma Leza. Alimwi cindi nakali kunga walanga kuli nguwe a meso mabotu

aluyando, mateete mapati, akwaamba, “Josefa, Gabriyeli i Angelomupati wa ndi swaya a ku ndaambila kuti Ndi yoo mita, kakutakwe kuziba mwaalumi.”

²⁸ Lino, ikuti Josefa nikwakali kunga waka langa buyo kusule mu Lugwalo, musinsimi wakaamba ikuti inga uyoo cita eco! Wa kali buyo Leza kapandulula Ijwi Lyakwe Mwini! Mwabona? Pele ca kali cigambyo maningi.

²⁹ Eeco nge makani mu bukkalo buli boonse. I Ijwi lya Leza ngo ceenzu i ku bantu; Ngo cigambyo maningi. Leza lyoonse ula cita cigambyo. Ngo cigambyo kufumbwa busena Leza mpabede. Ci lalwana ziyanza zya nyika, nkaambo kakuti bali jisi zintu mu nzila eyo nji ba yeeya kuti mbo ceelede kuba. Pele Leza ula boola mukati akucita cigambyo.

³⁰ “Mbobuti oyu musimbi mbwakonzya kumita?” Wa kali kusyomeka, wa ka yandaula Leza kujatikizya ncico.

³¹ Alimwi mpawo Leza wakaambaula kuli nguwe mu ciloto, alimwi wakati, “Josefa, yebo omwana wa Davida, uu ta yoowi kuli bwezela Mariya mukaintu wako, nkaambo eeco ci mitidwe mu li nguwe i nca Muuya Uusalala. Leza waka mu vunikila. Eeci nce cico caka cicita.”

³² Sa mwaka sola ku bona inzila Leza mbwa kabeleka a Josefa kuya? Mu nzila ya bili, mu nzila ya ciloto. Lino, tu lizi kuti kuli ziloto, tu lasyoma mu ziloto. Ndi lasyoma mu ziloto. Kwakali. . . Leza lyoonse waka beleka a bantu mu ziloto. Pele ziloto ngu nzila ya bili, mwabona, inga ca konzeka ku lulama na kulubila cita kuti ca pandululwa. Pele tana kali kuyanda bupanduluzi buli boonse. Wa kali Leza Lwakwe kakanana ca kugama kuli Josefa, nkaambo kwa ka nyina i musinsimi mu nyika mu mazuba ayo kuti a pandulule. Tee ba ka jisi musinsimi kwa myaka iili myaanda yone. Aboobo ci cilila cibotu, eco Leza ncakali i ku bamba kuli zya bumi, bumi bwa mwana Wakwe Mwini, ya kali ya kukanana kuli Josefa kwiinda mu ciloto eelyo kaku takwe bupanduluzi. Wa kati, “I mukaintu uli luleme. Eco Cintu Cisalala ci mitidwe muli nguwe ngu Mwana wa Leza.” Tii cakayanda bupanduluzi buli boonse.

³³ Leza ulacita kupandulula Lwakwe Mwini ku myoyo, isyomeka aisinizizye, baalumi abanakazi abo balangila atala a—a makani aasisidwe, ikuti koli usyomeka a kusinizya akuti uyoo syoma, Leza ula nzila ya ku cipandulula kuli nduwe. Lutanzi, lingula ikuti na ncisyomezyo. Ikuti Josefa nakajokela buyo-musule alimwi a kutantamuka kuzwa ku tunsiyansiya alimwi kuti na kujokela ku Bbaibbele, a ku lingula, Isaya wa kaamba kuti uyoo cita eco.

³⁴ Alimwi zintu ezyo zya kaambwa, a kuzyalwa Kwakwe, alimwi a zyoonse kujatikizya eco ca kaambwa mu Magwalo, “ku basinsimi i basalala,” mbuli Petro mbwaamba. Alimwi takukwe muntu ujisi nguzu ku bikka kufumbwa bupanduluzi

bwa muntu kuli eco. Ci li buyo ncobeni eco Leza nca kaamba kuti ci yo tola busena. Wa kali i kuyubunuka kwa Ijwi lya Leza lya ka syomezegwa kwa buzuba obo. Leza waka caamba, aboobo nceeco ca kaba. Eco caka cisitikizya.

³⁵ Jesu wakati. . . Cindi Na kali aa nyika, ciindi nibatakali kukonzya kumwisywa mulimo Wakwe, wa ka li mupati loko, cigambyo loko, (tii bakakonzya), nzilayacigambyo, mubwini. Tii bakakonzya ku Mu mwisywa. Wa kati, “A mulingule Magwalo!” (Nda syoma ta Ndili muku musinka matwi nywebo awo, kuyobeka muli eco.) “A mulingule Magwalo, nkambo muli Ngawo mo muyeeya kuti muli a Buumi Butamani, alimwi Nge ngawo ayo aa Ndi lu ngulula.” Mwabona? “Nge Ngawonya alo aa mwaambila nywebo obo Mbo Ndi bedede.”

³⁶ Mwabona, Leza wa kaabila Ijwi. Obo buzuba bwa keelede ku ba kuyubunuka kwa Leza, Leza (Emanuele) ulia ndiswe, “Zina Lyakwe liyo itwa kuti Ugambya, Sinkuta, Mwaami wa Luumuno, Leza Singuzu, Taata Uuteeli. Alimwi Zina Lyakwe liyo itwa kuti *Emanuele*, ‘Leza ulia ndiswe.’” Leza wakali muli Davida. Leza wakali muli Musa. Leza! Ooyo ngu Leza mu nzila yoonse kwiinda mo, kali yubununa Lwakwe ku bukkalo obo. Pele bukkalo oobu, “I musimbi uyoo mita alimwi uyo zyala Mwana, alimwi Uu yoo ba Leza ulia ndiswe.”

³⁷ Aako nke kaambo nkibaka Mu bambwida, ikulipanga Lwakwe kuba Leza, akwalo kuti muku ka jaya Sabata. Wa kali—Wa kali Leza atala aa Sabata, alimwi Wa kali Leza. Alimwi Ta na kali i muntu buyo sibuleya na musinsimi sibuleya (nekuba Wa kali Muntu sibuleya alimwi a Musinsimi), pele Wa kali i Leza-Musinsimi. Alimwi Wa kali kuzuzikizigwa kwa Ijwi, mbubonya obo Leza nca kaamba kuti Uu yocita. Wakati, “Nguni umwi wanu unga wa ndipa mulandu Mebo wa cibi? A mulingule Magwalo! Muli ngawo nywebo muyeeya kuti muli a Buumi Butamani, alimwi nge ngayo ayo a lungulula kwa Ndime.” Pele tunsiyansiya twabo, bakali kupona mu kubekema kwa bukkalo bumbi.

³⁸ Mbuli mbu Nda kali ku kambauka nsondo zisyoonto zyainda, “*Ikupona mu kubekema.*” I kubekema ngo “cintu cibaangankocili,” i zuba kalili tondeezya lwalyo, elyo nca lweeno. Alimwi kufumbwa kubekema kwa bukkalo bumbi ngo kutondezegwa kwa lweeno. I bantu lyoonse baleenda mu cintu cimwi eco caka citika myaka yakainda. I Banaluthar bali mukweenda mu kubekema kwa Banaluthar. Mumuni wa zuba bwa Luthar wakali kabotu mu buzuba bwakwe; Wesleyi wakali kabotu mu buzuba bwakwe; Pentekoste ya kali kabotu mu buzuba bwayo. Tuli mu ku zumanana ku tanta matantilo, tuli mukupona mu bukkalo bumbi! Tuli mu kuzumanana, zumanana, ta tukonzyi kuzumanana kulanga musule lyonse.

³⁹ Ciindi twa li bamba swebo tobeni mu zintu, tu yeeya kuti tuli cijisi coonse cibambidwe, tu la jana tunsiyansiya twesu katu vungaidwe; alimwi eco ca kali kabotu ku buzuba obo, pele tuli mukweenda kuya kumbele! A mulingule Magwalo a kubona eco caka syomezegwa ku buzuba bwa sunu, nkabela tuyoo ziba abusena awo mpotubede, nkabela inga twakonzya kwaamba abusena awo mpo tuiivwi.

⁴⁰ Luthar; inga mwakonzya kulanga mu Lugwalo a kubona muli obo—muli obo bukkalo bwa Sarde, inga mwabona ncobeni eco ca ka syomezegwa. Mulange ooyo na musyobo nzi wa si kutanta mbizi wa keenda, mulange eco ca keenda ku yoo muswaanganya, mbubonya, “i mancejela aa muntu,” kubambulula. Amulange Wesleyi, a zimwi zimbi. Mbuli mbu cakali kuboola ansi mu bukkalo bwa Pentekoste, alimwi ansi kwiinda mu bukkalo, amulange nzila mbu cakeenda. Mulange ku Magwalo a kubona busena awo mpotubede. Aako nke kaambo Jesu nca kaamba kuti, “A mulingule Magwalo!”

⁴¹ Amu bone abusena mpo tubede! Ndi la syoma kuti tu li a ku Boola kwa Mwana wa Leza ndyoonya eno. Ndi la syoma kuti tuli ku bukkalo bwa—bwa oora ndilyonya ikuti inga Uu lakonzya kuli bonya kufumbwa ciindi. Ndi la syoma Magwalo alatondezya kuti, kuti tuli mu maora amamanino amakani aakale a nyika eeyi. Inga nda bona zintu mbuli mbozili muku yakwa. A mu bone eyi Nkamu ya Ecumeniko kisololela ma mbungano oonse muli ncico, mukati mu caando ca cinyama. Alimwi amu bone Bulelo bwa Baroma alimwi eco nco buli mukucita, alimwi a boonse bambi babo. Amu bone balo kabali muku swaangana antoomwe, kabali mukuzima Mumuni, a kusinkila Makani mabotu. Oonse muntu weelede kuyo zulilwa kuli njiyo a kweenda mu mimuni yabo kwataba boobo inga to keendi no kuceya. Mwabona, tuli ku ciindi ca mamanino. Kwiina cintu nociba comwe cisiilidwe ndiswe ikuti tu jatilile mpawo cita buyo kuli Leza a kusyoma Ijwi Lyakwe. I Ijwi lyoonse lili luleme.

⁴² Mu bukkalo bwa mbungano ya Laodikeya, oobo bwakali bukkalo bulikke bwa mbungano, bwa oonse a ngawo, kuti Kristo waka bikkidwa anze lya mbungano. Wa ka li anze, kakonkomona. Ino cinzi cakacitika? Eyi Nkamu ya Ecumeniko njenjiyo iiyo Mu tandila aanze. I Bbaibbele lyaamba kuti Wa keelede kuba anze, alimwi Mpa bede. Ci ja lila nzi? I Ijwi. Alimwi Ngu Ijwi, alimwi lyoonse Wa kali Ijwi, alimwi Uu cili Ijwi sunu masiku! Ngu Ijwi.

⁴³ I Bbaibbele lyakaamba, “I Ijwi lila bosya, lilanguzu zinji kwiinda ceba libosya-koonse,” Bahebrayo, i chipati 4, “i sikubeteka wa mizeezo alimwi a kuyanda kwa moyo.” I Ijwi mbolyakabede! Ba ka leelede kuziba obo Mbwa Ka bede cindi Jesu na kaamba eco mu buzuba obo.

44 Amulange eco Nca kacita. Bumwi buzuba Wa ka liimwii awo, i kutalika kutanzi kwa mulimo Wakwe. Kwa kali muntu waka boola kuli Nguwe, ula zina li tegwa Simoni, Simoni Petro. Alimwi cindi Petro nakalanga ali Nguwe alimwi—alimwi waka Mu bona, Jesu wakati kuli nguwe, “Zina lyako ngu Simoni alimwi uli mwana wa Jona.” (Wa keelede kuziba eco Musa nca kaamba, “I Mwami wanu Leza uyoo busya Musinsimi uu ko zyanisidwe kuli ndime, alimwi nywebo muleelede ku Mu swiilila.”) Alimwi ngooyo Muntu oyo wakatalina sola ku mubona mu buumi bwakwe, wakati, “Zina lyako ngu Simoni alimwi uli mwana wa Jona.” Nkaambonzi, wakalizi ndyoonya awo oyo oyo taakali kukonzya kwiinda. . . Tii baka jisi musinsimi kwa myaanda ya myaka, alimwi ngooyu Muntu awa wa kali ku mwaambila oobo mbwa kabede. Ta cigambyi waka konzya ku ci tambula!

45 Filipino, ku ciindi eco, wakainka a—a kuyoojana Natanayeli kungsi a musamu, alimwi aku muleta kujokela kuli Jesu. Jesu wakati “Amubone i mu Israyeli oyo utakwe luuni.”

Wa kati, “Rabbi, ino ndilili Yebo nowaka sola ku ndiziba?”

46 Wa kati, “Katana kwiita Filipino yebo, cindi yebo nooli kungsi a musamu, Nda ku bona.”

47 Wa kati, “Rabbi, Nduwe Mwana wa Leza! Uu li Mwami wa Israyeli.” Wa kalizi eco mbocaka bedede! Ncinzi? Tii cakali kuyanda bupanduluzi buli boonse, Jehova wakaamba eco!

48 Mpawo bakaimikila awo abo ba taka ci syoma. Ba kati, “Oyu Muntu ngu Beezebule. Uu jisi—Uu jisi musyobo umwi wa mabibo Nga li mukukwela. Ngu—Ngu mu-sondi, na cintucimwi.”

49 Jesu wakalanga ali mbabo, a kwaamba, “Nkaambonzi, nywebo mulaamba eco kusampaula Mwana wa muntu, ci yoo jatilwa kuli ndinywe. Pele cindi Muuya Uusalala wa boola kucita cintu ciconya, kukanana kusampaula Eco, ta ci koyoo jatilwa kuli ndinywe, mu nyika eyi na mu nyika iciza.” Wa kali kusinsima kwa buzuba bwesu, i buzuba obu mbo tweelede kubona. Nkambo Ngu mbobuca nguwenya, sunu, a muyamyaka.

Amuyeeye, wa kali Jesu Kristo oyo wakali mu li Musa.

50 Wa kali Jesu Kristo oyo wakali muli Davida. Cindi Davida, mwana wa. . . Davida waka kkwela atala a cilundu, mwami iwa kakakwa, alimwi wa koomokela Jerusalema, eeco tecakali cintu cimbi pele Kristo muli nguwe. Nkambo kwaka tiibe myaka iili myaanda iili lusele yakainda, Mwana wa Davida wakali kede atala a Cilundu ca Olifa alimwi wakalanga ansi atala a Jerusalemu a koomoka, alimwi wakati, “Jerusalemu, Jerusalemu, ciindi cilamfu buti nce Nda kubambilila mbuli nkuku ntumbu mboyi bunganya twana twayo mu mababa ayo, pele yebo to zumini!”

51 Cindi Josefa nakali mu ntolongo, oyo wakali Jesu. Cindi naa kasambalwa kutandila tu beela tuli makumi otatwe twa nsiliva, oyo wakali Jesu. Cindi naa kapangwa kuba muntu wa Potifara, oyo wakali Jesu. Cindi naaka kkala ku janza lya lulyo lya Farao. Alimwi cindi naa kazwa, muntuoonse. . . ikulila kwa mweembo, a muntuoonse waka fugama ku mazwi, oyo wakali Jesu. Taakwe muntu wakali kukonzya ku sika kuli Farao cita buyo kwiinda—kwiinda muli Josefa; taakwe muntu ukonzya ku boola kuli Leza, citabuyo muli Jesu. Wa kali Jesu, Ijwi lya kasinsimwa kalili muku zulila, lyakaamba muzimvule amu ziiminizyo.

52 Cindi Jesu nakali ano ansi, Wa kacita cintu ciconya basinsimi ncoba kacita, aako nke kaambo bakalizi kuti Wa kali kuyubunuka kwa Leza ikwa Ijwi Lyakwe. Tee cakayanda kuti cipandululwe pe.

53 Cindi Natanayeli nakabona eci, waka wida ansi, wakati, “Yebo nduwe Mwami wa Israyeli, i Mwana wa Leza, i Mwami wa Israyeli. Tuli kuzi Yebo, taakwe muntu ukonzya kucita eci.”

54 Nikodema wakaboola ca masiku, wakaamba cintu ciconya nkaambo ka Bafarisi. Pele, nywebo mwabona, bakali cedwe loko mu Nkamu ya Ecumeniko iyabo cakuti tii bakali kukonzya ku Ci tambula. Wa ka tondezya eco nci bakaamba, bakaamba, “Rabbi, swebo. . .” Nguni “swebo”? Inkamu yabo! “Tu lizi ikuti Yebo uli mwiyi uzwa kwa Leza, nkaambo taakwe muntu ukonzya kucita zintu ezi cita Leza abe a Nguwe.” Ba ka Ci ziba, bakali Ci zi kuti cakali ncico, pele bakali cedwe loko muli ncico.

55 Alimwi Leza, mu myakayainda iili makumi one, wa zunganya cisi eci a lubapatizyo lwa Muuya Uusalala, alimwi baalumi alimwi banakazi bacilli kunze a Nci co nkaambo bali cedwe mu cintu ciconya, bali muku pona mu kubekema kwa buzuba bumbi. Ino makani nzi? Muntu oonse uyanda kuba muna Methodisti, Baptisti, Presbyteria, Banaluthar, na cintucimwi. Mwabona, ngo kubekema.

56 Ba kali kupona mu kubekema kwa buzuba bwa Musa. Ino wa kaamba nzi? Wa kaamba. . . Ba kaamba, “Tuli basikwiya ba Musa.”

57 Wa kati, “Ikuti nywebo nomwa kalizi Musa, inga nywebo nomwaka Ndi ziba. Musa waka lembe kwa Ndime!”

58 Ikuti niwa kali muzi Luthar, inga niwabuziba bukkalo obu! Ikuti niwa kali kuzi Methodisti, inga niwa li buzi bukkalo obu! Nkambo Kristo wakalemba kwa bukkalo obu! I Majwi ayo aali muku zuzikizigwa aleelede ku zuzikizigwa mu bukkalo obu. Ta ciyandi muntu naba omwe ku Ci pandulula, Leza ula cita kupandulula Lwakwe Mwini. Leza ula lipandulula Mwini, nkaambo ngo Nguwe buyo alike Oyo uukonzya ku Ci pandulula. Zisyomezyo zya Leza lyoonse zila simpikizya eco Nca kaamba, alimwi obo mbo bupanduluzi.

59 Lino, Jesu, (ku vuna ciindi), Jesu wakati, mu Musalali Johane, chipati ca 14, kampango ka 12, “Oyo uu syoma ali Ndime, i milimo eyo Nje ndicita uyo icita awalo.” Sena Wa ka caamba? Eeco cilikabotu. Eco ta ciyandi kupandulula kuli konse. Cindi muntu uuli oonse acita mulimo oyo, ooyo ngu Leza. Cilimasimpe!

60 Wa kaamba a kwalo omuya, “Mbubonya mbu ca kabede ku mazuba akwa Lota, aboobo mbo ci ya kuba kuku boola kwa Mwana wa muntu.” Jesu wakaamba eco. Sena Wa ka caamba? Cilimasimpe, Wa ka caamba! Eco ta ciyandi kupandulula.

Ba laamba, “Ma, eco cakali kwaamba . . .”

61 Cakali kwaamba buyo mbubonya eeco Nca kaamba! “Mbubonya mbu ca kabede ku mazuba a kwa Lota, aboobo mbo ci ya ku ba ku kuboola i kwa Mwana wa muntu.” Ino makani nzi a mazuba akwa Lota? Atu jokele musule kwa kaindi buyo kaniini, a kulingula eco nco bakali kucita.

62 Kwa kali misyobo yotatwe ya bantu mu mazuba a kwa Lota: musyomi, ulipanga-musyomi, alimwi sikutasyoma. Eeco cili mu nkamu yoonse yabantu, i cintu ciconya.

Tu jana kuti Banasodoma bakali sikutasyoma.

Lota wa kali ulipanga-musyomi.

63 Abraham wa kali musyomi. Ngo nguwenya umwi wakali a cizuminano ca ka tondezegwa. Ngo nguwenya umwi wakali ku langila mwana mulombe wa ka syomezegwa. Ngo nguwenya umwi wa ka li ku ci langila. Amen. (Ta ndili mukuti “mbombubo” lwangu. *Ameni* caamba “a kube boobo!”) Alimwi eeco cili kabotu. Abraham tana kali mu Sodoma. Abraham wakali kutala alimwi kuzwa mu Sodoma. Ngu ciiminizyo ca Mbungano ya kumuuya sunu.

64 Lota ngo ciiminizyo i ca mbungano yakabungwe ansi mu Sodoma. Amulange, i Bbaibbele lyakaamba kuti, “I zibi zya Sodoma zya kapenzya muuya wakwe ululeme buzuba a buzuba.” Nkaambonzi nca ta ka jisi camba cipati caku konzya kwiima aku cilwana? Kuli i-bantu i-babotu banji bakkede mu mbungano sunu, kabalanga anze a kubona banakazi kaba samide tu budula a mwaalumi kacita zintu ezi, a zizo zyabo kazili mukweenda, kabasobana goofu mu Nsondo, a nsangano zya bulilu, a kuyamba a zintu, mubusena bwakujanika ku mbungano. Kabakkede ku ng’anda muli Bwatatu masiku, kabeebelezya cipekupeku, mubusena bwa kujanika ku mbungano. Ba limvwa mbuli kuti baambe cintu cimwi cijatikizya ncico, pele bboardi inga ya ba tanda. Ino makani nzi? Ngu Lota lubo, kalanga anze mu mpulugwido yakwe a kubona cibi, a ku yoowa kwiita cibi “cibi”!

65 Abraham tanakali mu ciimo cabuyumuyumu bwabo, wa kali zwide muli ncico. Wa kali ciiminizyo ca Mbungano ya

kumuuyua. Lino amulange eco caka citika buyo ku ciindi ca mamanino, i buyo mulilo kau tanawa. Alimwi aabo bakali Bamasi. Ca kali cimvule caamba kumbele i mulilo kauli mukuwa aa nyika ya Bamasi sunu, ciindi i mami na yoo pwaigwa alimwi a yoo umpwa. “Majulu ayoo ba mu mulilo,” mbwa amba Mwami, “alimwi ba yoo umpwa a mulilo mukali.” Eeco cakali cimvule ca ncco.

⁶⁶ Lino atu babweze mucifwanikiso. Ngooyu Abraham uli anze kale, ikutali mu Sodoma, wa kali anze lya Sodoma. Lota waka cili mu Sodoma.

⁶⁷ Cintu ceenzu, kuseeni kumwi kupya, antoomwe kutandila eleveni okkuloko ca ka leelede, wa kabona bantu botatwe kaba boola, muntu sibuleya, kayabweenda ku selemuka mu mugwagwa, ika zila. Abraham wakali kkedede kungsi a mubanga, kalyookezya mwini. Wa kali kubusena bumbi, ndiza a matanga a banyama kuseeni oko, kanjila mukati, kutandila kalangabweeseme. Alimwi wa kabona bantu botatwe kaba boola. Alimwi kwa kali cintu cimwi cijatikizya bantu abo, caka, lizya mulangu. Oh, ma!

⁶⁸ Kuli cintu cimwi lyoonse kujatikizya Leza, cindi Ca boola akati kabantu, Ci la lizya mulangu. Ba li Ci zi. Kuli cintu cimwi cibaambila, kuli ku simpikizigwa awo.

⁶⁹ Abraham wakazuza cakufwambaana, alimwi wakati, “Mwami Wangu, boola uleye alimwi ndile kele ndijane twaanzi tuniini, akuyo tuteka a kusanzya matende Aako, a kukupa Yebo munsuma wa cinkwa, alimwi mpawo Yebo inga wa zamanana lweendo Lwako.” Aboobo wa ka zyunguluka. Wa kazuzila ku butanga bwa ng’ombe akuleta mwana a moombe a ku mujaya, wakali jisi muzike wakuti amufunde. Waka njila mu tente, kuselemuka ansi kuli nguwe, a kuyo citya Sara kuti akande i busu, apange cimwi, na cakulya cimwi, a kujika cinkwa cimwi, alimwi akujika izibunge aa cijikilo. Waka zigwisya anze aku zibamba. Ciindi na kakkede awo, kalimukulya, baka ta lika kuziba, oyu Muntu waka zamanana kulanga kunselelo kuya ku Sodoma. Alimwi Wa kati . . .

⁷⁰ Bobilo ba baabo, amuyeeye, bakainka kunselelo mu Sodoma. Bobilo bakainka mu Sodoma. Ndalomba mu tacisweekelwi eci. Ndili muku tondeka kuli eco Jesu nca kaamba. Bobilo ba baabo bakainka ku Sodoma iku yogwisya Lota a ceeco ca kali bambilide kuti cigwisigwe kunselelo kuya. Alimwi balo bobile abo bakainka kunselelo kuya, bakainka kunselelo a kukambauka. (Alimwi kwakali Umwi waka kkedede kunze a Abraham. Amulange citondeezyo Nca ka cita.) Ba katambula citondeezyo kunselelo kuya, kwa kali . . . Banasodoma ba kaumwa boofu. Kukambauka Makani mabotu lyoonse kulaofwaazyu ku li sikutasyomi. Alimwi amuzibe eeco nco caka cicita.

71 Lino, kuli Umwi wiimvwi kusule awo alimwi wakacita citondezyo kumbele lya Abraham.

72 Lino, sa mwa ka sola kuziba, kufumbwa simakani aakale, amu tobele Magwalo, amu tobele makani akale, kwa kanyina ciindi mu makkalo aa mbungano oko muntu nkwa kasola kwiika ku mabungano amazinabuyo anze kuya mu nyika, anze kuya mu tubungwe, takukwe nikwa kali muntu oyo wakali aa zina limana mbuli Abraham, h-a-m, kuzwalili. Pele sunu bali jisi umwi, G-r-a-h-a-m. Eeco cili kabotu. Kuya kunselelo awo, ku balailila kuzwa anze. Uu li mu kucita mulimo mubotu a ncico. Graham, Billy Graham, muzike wa Leza anze awo aakati ka tubungwe, basitunzenyu, a zimwi zimbi, kumwayaula kuli ncico.

73 I buzuba bumwi cindi noba kali kuyanda kuti aimikile kuba Muleli, wa ka cikaka ku maninina. Leza, muleleka nkambo ka ceeco. Nkaambonzi, alo makkampani aawhiski, inga nata-kakonzya kusika ku ntalisyo ntanzi muli mbo cakali nooba. Inga nibaka manizya ma bbilioni aa madollar, nkambo nga na-kazigwisya munzila iili yoonse, aya makkampani aamisanga a zintu mbuli eco. Mwabona, uli anze awo mbuli mutumwa wa Leza kuli Banasodoma. Eeco mbocibede.

74 Pele amuyeeye, kwakali Umwi oyo waka kkede kutala awo aa Abraham, Muntu uumbi, kutali bobilo abo bakeenda kuselemuka kuya mbuli bakambausi basunu abo bakeenda kuselemuka awo kuyo kambauka. Amuzibe, kwa kali Umwi wakakkala kutala awo. Bobilo bakeenda kuselemuka nzila *eyo*, a Umwi wakakkala *awa* a Abraham. Alimwi Umwi oyo wakakkala a Abraham wa ka mupa citondezyo.

75 Lino amulange, zina lyakwe lya kali “Abram” a mukaintu wakwe waa kali “Sarai,” buzuba bomwe na obilo buyo kakutanaba eco. Leza wakali bonya kuli nguwe a ku mwambila, “Ndili mu kucinca zina lyako eno kuzwa kuli Abram kuba Abraham.” (Mwabona, G-r-a-h-a-m ngo tubala tuli cisambomwe, muntu.) Pesi A-b-r-a-h-a-m ngo ciloba, tubala tuli ciloba; h-a-m, kumana aamwi a h-a-m.

76 Lino, kutala awa mu Mbungano yakumuuya, kwa kali Umwi kutala awo kuli Abraham, alimwi a muzibe eco Nca kaamba. Wa kaamba, “Abraham,” (kutali “Abram”) “Abraham, uuli kuli mukaintu wako” (kutali “S-a-r-r-a”) “S-a-r-r-a-h? Uuli kuli mukaintu wako Sarah?”

77 Amulange eco nca kaamba, “Uu li mu tente kunze Lyako.”

78 Alimwi Wa kaamba, “Njo ku swaya. Ndi yo ku swaya.” Mwabona bbala elyo ligamamuntu, i Umwi, mbuuli ku cisyomezyo eco Nca ka bambide. Oyo wakali Leza! Wa kati, “Ndi yo ku swaya.”

79 Alimwi Sarah, (mu nzila eyo njo tunga toonse twavmwisya) wa ka lisekela mu moyo, kuli lwakwe, waa kati, “Mebo, i

mukaintu waka cemaala, myakaili myaanda yakukomena, mwami wangu” (oyo wakali Abraham) “mucembele awalo, ciindi cakainda ca buumi ca baaba bantu mbuli bakubusyi.” Wakati, “Nkaambonzi, inga tii twakonzya kuba amisaalo mbuli yeeyo limbi pe, Nda cemaala alimwi wa cemaala.” Alimwi wakati, “Tatukonzyi kuba a ceeco.” Alimwi wakati, “Mbobuti? Eezi zintu tazikonzeke kuba!”

⁸⁰ Alimwi i—i Muntu (Leza mu mubili wa buntu) wakati, “Nkaambonzi Sarah waseka a kuzumbauzya, kwaamba zintu eezi?” Mu tente, kunze Lyakwe.

⁸¹ Lino amulange, ikuti na tiwakali ngo mulimo ngoonya Jesu Kristo ngwa kajisi! Wa kalanga anze atala a nkamu yabantu a kuziba mizeezo yabo. Wa kaambila Petro oobo mbwa kabede alimwi a zina lya wisi mbo lyakabede. Wakaambila Natanayeli.

⁸² Wakaambila i mukaintu ku cikala, ciindi na kati. . . Wa kati, “Koya uu Ndi janine cakunywa,” na “Ndiletele Mebo i cakunywa.”

⁸³ Waa kati, “Munene, ta cili mu cilengwa Yebo kwaambaula ku. . . nywebo no Bajuda mulambaula kuba Samaria. Ta tu lidi mu mutiba omwe umwi aumwi.”

⁸⁴ Wa kati, “Pele kuti niwali kuzi Oyo ngoli mu kwaambaula awe, inga nowa Ndi lomba cakunywa.” I mubandi waka zumanana. Wa kati, “Koya ukalete mulumi wako alimwi uze kuno.”

Waa kati, “Ta ndi jisi mulumi.”

Wa kati, “Yebo waamba kabotu, nkaambo wali kujisi bali bosanwe.”

Waa kati, “Munene!”

⁸⁵ Mulange lwaandano akati ka ceeco a mbabo—alimwi a mbabo bapaizi ba buzuba obo, eyo nkamu kaili mukupona cintu cibaangankocili ca buzuba bumbi. Ba kati, “Oyo ngu dyabulosi!” Ba kaleede kupa cintu cimwi mbuli bwiinguzi ku mbunga yabo, nkaambo cakali kuyandika eco.

⁸⁶ Pele ino ncinzi ncakacita ooyo mwanakazi muniini mucete, eyo Mbuto yakakazwa kaikkede mu moyo wakwe. . . Waa kali cisidwe alimwi akukatala kwa ciintu eco, waa kainkide mu tuzila mbuli sikuvuula. Pele ciindi na ka bona Eco, waa kati, “Munene, Nda kuziba Yebo kuti uli Musinsimi. Tii twali kujisi umwi kwamyaka iili myanda yone, alimwi twa kaambilwa kuti ciindi Mesiya aboola nze zintu ezyo Nzya yoo cita.” Oh, ma! Eyo Mbuto kaikkede awo yaka sotokela ku buumi! Nkaambonzi? Tii ya kali kuyanda kupandulula.

⁸⁷ Jesu wakati, “Ndime Oyo waambaula kuli nduwe.” Eco tii cakali kuyanda kupandulula. Wa kali citide maleele alimwi wakali pede bumboni ikuti Wa kali Mesiya oyo,

ameni, alimwi wa kapa bulunguluzi mbubonya oobo Leza mbwaka syomezya (“I Mwami Leza wanu uyo busya Musinsimi mbuli ndime,” wakaamba Musa). Ino cakali cinzi? Kusimpikizya i kwa Lugwalo!

⁸⁸ Waa ka zuzila mu muunzi, a kwaamba, “Muboole, mubone Muntu Oyo wandaambila zintu nze Nda kacita. Sa oyu tali ngonguwe Kristo? Sa ooyu tali Nguwe? Wa ndaambila eco nce Nda kacita.”

⁸⁹ Lino amuzibe, Jesu, ooyo wakali Nguwe kutala kuya muli oyo Muntu oyo wapede sule Lyakwe kalifutete ku tente akwaamba eco Sarah ncaaakali ku yeeya mukati mu tente.

⁹⁰ I Ijwi lya Leza li laamba, mu Bahebrayo, chipati ca 4, kuti . . . Uu laamba eci, “I Ijwi lya Leza li laanguzu loko alimwi lila bosya kwiinda ceba-lijisi mabemba obilo, lilayasa mane kukwanzaanya buumi amuuya aalo maswanganino azifuwa, amooma alimwi lilabeteka miyeeyo akuyanda kwa moyo.” Ndi Ijwi! Alimwi ciindi coonse elyo musinsimi nakaboola, waka boola a Ijwi, alimwi wa ka li Ijwi lya bukkalo obo. Alimwi ncinzi nco lyaka cita? Sikusinsima oyo uubeteka miyeeyo eyo yakali mu moyo.

⁹¹ Lya ka cicita muli Jesu Kristo nkaambo Wa kali buzule bwa Ijwi.

⁹² Alimwi Jesu wakati, “Mbubonya mbu ca kabede ku mazuba akwa Sodoma, alimwi aboobo mbo ciya kuba ku kuboola kwa Mwana wa muntu.” I Muuya wa Leza uya kuboola atala aa nyika mu ciimo ca bantu nsi, Leza wakayubunuka mu mubili wa buntu nsi (Ameni! Sa mwa ci bona?), alimwi uyocita cintu coonya eco Leza nca ka cita mu mubili wa buntu nsi ku Sodoma. Amuyeeye, ba kali ku lindila mwana wa cisyomyo. Alimwi, ndyoonya kumana eco, i mwana wa cisyomyo wakaboola. Eco cakali citondeezyo camamanino eco Sodoma a nkamu ya Abraham nceya kabona katana kusika mwana wa cisyomyo. Sa nywebo mwaziba eco? Alimwi lino i Mbungano ya kumuuya yaboola ku oora elyo.

⁹³ Muntuumwi wakati, “Mukwesu Branham, sa yebo waamba kuti ‘oyo wakali Leza?’”

⁹⁴ I Bbaibbele lya kaamba, Wa kali Leza! Ta ci yandiki kupandulula. Ngu Elohimu. Obo Abraham mbwa ka Mwi ita. Kufumbwa sikubala wa Bbaibbele ulizi eco. *Elohimu*, “Umwi ujisi-zyoonse.” Wa kali Mutaanzi, i Mamanino; i Kutalika, i Malekelo. Elohimu! Abraham waka Mwi ita kuti “Elohimu.” Leza (mu tubala tupati mu Cihebrayo), Elohimu; mbubonya buyo ku kutalika, “Leza,” Elohimu.

⁹⁵ Wa kali Elohimu wakali bonya mu mubili wa buntu, kasamide zikobela zya buntu, kali mukulya cakulya ca buntu. Ameni! Citondeezyo cakuti ku mazuba aku mamanino Leza

uyo libonya lubo akati ka bantu Bakwe mu mubili wa buntu! Ameni! Jesu wakati, “I milimo eyo Nje cita muyo cita a nywebo. Alimwi mbubonya mbo ca kabede mu mazuba akwa Sodoma, aboobo mbo ciya kuba ku kboola kwa Mwana wa muntu.” Ameni! Eeco ta ciyandiki kupandulula; ci yandika kulibonya, eco nconco nce ci yandika. Ameni. Sa mu la syoma eco?

Atu kotamike mitwe yesu.

⁹⁶ Taata Wesu Wakujulu, twapa kuli Nduwe cisyomyo Cako masiku ano ikuti Yebo wakaamba zintu ezi. Yebo waka zisyomezya. Kunyina naba umwi uukonzya ikupanga Ijwi Lyako kuti libe lyuuni pele Yebo. Yebo wakati, “A kube mumuni,” eelyo kwakaba mumuni. Kwiina naba omwe uyeede kupandulula eco, ca katondezegwa.

⁹⁷ Mbuli mbo twa balulula Isaya, i musinsimi, “I musimbi uyoo mita,” waa kacita; ta ciyandiki kulibonya kuli koonse, waa ka cicita. Eeco nce cakacitika.

⁹⁸ Yebo wakati, cindi Na boola inga Uu ya kuzyalilwa mu Betelehemu, “Kuzwa mu Betelehemu, Judaya. Sa toli muniini aakati ka bami boonse ba Juda, wa Israyeli? Pele kuzwa kuli nduwe ku yo boola Mweendelezi wa bantu Bangu.”

⁹⁹ I zintu ezyo inga Nzya yoocita, obo inga Mbwa yo lila aa ciingano, inzila inga Mbwa ya kubetekwa, kuyaswa matende Aakwe a maanza Aakwe; “Wa kayaswa nkambo ka milandu yesu, alimwi wakaumwa nkaambo ka zibi zyesu; kutu gwasya iswe nceeco Nca kakwabbawidwa; a mibunda Yakwe njii tupoya.”

¹⁰⁰ I nzila eyo Davida nja kaamba, “Nse kasiyi muuya Wakwe mu cikkalilo cabafu, nekuba Nseka lekeli Oyu Uusalala Wangu iku bona kubola.” Elyo ku buzuba bwa tatu, kakutanaba maora alimakumi ali ciloba-aobile nga kwanjila ikubola mubili Wakwe, i Ijwi lya Leza lya kaamba, “Uu yoo buka.” (Ba kaamba kuti ba kabba mubili Wakwe; ba cici syoma.) Pele tula syoma, Mwami, Ijwi Lyako! Lya ka yubununwa. Jesu Kristo waka buka alimwi Wa kati, “Njo. . . Amulange, Ndili a nywebo lyoonse, akwalo kusika ku mamanino aa nyika.”

¹⁰¹ Tu la syoma kuti Uuli aano sunu masiku. Tu la syoma kuti Uuli buyo mbubonya kunji Jesu Kristo sunu masiku, awa, mbuli Mbo kabede lyonse. Alimwi Uuli mukuyandaula biyo meso, maboko, mauulu, mulomo, buntu, mibili, eyo Njo konzya kubelesya kuliyubununa Lwako. Leza, tu salazye sunu masiku, kuti inga tu konzye kubona muumi Jesu Kristo kali muumi aakati kesu. Muleke A boole! Mpawo kuyo boola kucitika, mbuli nzala ya baabo Bagriki abo ba kasika buzuba obo, a kwaamba, “Munene, tu yanda kubona Jesu.” Alimwi ba ka Mu bona. Oh, ino obo mbocakali kweede kuti cakali ku botezya cindi niba ka langa aali Nguwe!

¹⁰² Leza, Uuli nguwenya sunu. Alimwi Yebo waka syomezya kuti na twafwa nzala inga tuyo konzya ku kubona Nduwe. “I kaindi kaniini, elyo nyika tai ka ndiboni Mebo” (ngo sikutasyoma); “pele nekuba muyo ndibona Mebo, nkambo Njo ba a nywebo, akwalo muli ndinywe, ku sikila kuu mamanino aa nyika.” Tu lizi kuti Uuli mbobuca nguwenya, sunu, a muyamyaaka.

¹⁰³ Mwami, i Majwi a ka nanwa, cili lembedwe, eno ci lekele cicitike, nkambo ka Bulemu bwa Leza, ku tondezya kuti Uu la bamba Ijwi Lyakwe. Ameni. Leza mu longeze.

¹⁰⁴ Ndi yo ita mundando wa mipailo. Nda syoma Billy waamba kuti wavozya makkadi aa mipailo, lyomwe kusika ku mwaanda, na cintucimwi mbuli eco. Ta li waano buyo eno. Sa...Ino mweelwe nzi wa kkadi lya mipailo...Umwimuntu alange musule lyako kwa lyako...Inga—inga kwaba mweelwe alimwi a—alimwi a kabala (A, B, C, D, na...). Ino ni nzi, A? Cili kabotu.

¹⁰⁵ Atu be a A, mweelwe utalika, tobilo, totawe, tone, tosanwe. Amu talike buyo kwiimikila mbuli obu. A, mwelwe utalika, mweelwe wabili, mweelwe watatu, mweelwe wane. Wane, tii Nda yi bona kwiimikila. Kkadi lya mupailo wa mweelwe wane. Itanzi, lyabili, lyatatu. Mupailo...Ndiza taba konzyi kwiima pe. Ikuti na tabakonzyi, umwimuntu alange aa kkadi lya simukobonyoko, ndiza inga unooli a kkadi elyo takonzyi kwiimikila. Cakufwambaana eno. Ndeelyo awa, lyane. Lyasanu, kkadi lya mipailo wa mweelwe wasanu. Cisambomwe, ciloba, lusele, ifuka, kkumi, kkumiakamwi, kkumiatubili. Amutalike buyo kuboola kutala awa eno mbuli myeelwe yanu mboli mukwitwa. Mweelwe utalika, wabili, watatu, amuboole buyo ku nzila eyi. Kkadi lya mipailo lyamweelwe utalika, lyabili, lyatatu, lyane, lyosanwe, lyacisambomwe, lyaciloba, lyalusele, lyafuka, lyakkumi, lyakkumi akamwi, amubweze buyo masena anu. Lyakkumi akamwi, kkumi atubili, kkumi atutatu, kkumi atone, kkumi a tosanwe, kkumi a cisambomwe, kkumi aciloba, kkumi alusele, kkumi afuka, makumiobile, makumiobile-akamwi makumi obile-atobile, makumiobile-atotatwe, makumiobile-atone, makumiobile-atosanwe. Sa kuli uli oonse utakonzyi. . .

¹⁰⁶ Nda bona mwaalumi mukubusyi mu cuuno ca mavwili kusule kuya. Ikuti mweelwe wako waitwa, mulombe, alimwi—alimwi kuti tokonzyi kusika... ma, kobika buyo janza lyako, tu yoobona kuti usika ano. Mwabona?

¹⁰⁷ Mba ngaye mukati muno ibata jisi kkadi lya mipailo pele kwalo muli cisidwe? Atu bone maanza anu, kufumbwabusena. Mponya awa, cili kabotu, amu bikke maanza anu mujulu. Sena mula syoma? Kwa ciindi no bali mukubaleta antoomwe, sena mula syoma Oyu, i kuti Ngu mbobuca nguwenya a muyamyaaka? Mba ngaye? Amulange bakutausi aba; sa

Lugwalo ta lwaambi buzuba sunu, bakwesu, i kuti Ngu Mupaizi Mupati oyo ukonzya ku gumwa kwiinda kukwaampa kwa kulengauka kwesu? Sena cili kabotu? Mba ngaye basyoma eco, amutambike janza lyanu? Ngu Mupaizi Mupati oyo ukonzya ku gumwa kwiinda kukwaampa kwa kulengauka kwesu.

¹⁰⁸ Mpawo kuti Bbaibbele li laamba, “Ngu mbobuca nguwenya a muyamyaka,” mba ngaye basyoma eco? Mpawo mbo buti inga Mbwa ti kacite sunu? Inga uyo cita mbuli Mbwa kacita jilo. Sa cili kabotu? Mpa busenanzi Mpa bedede masiku ano? Ulikkede ku janza lya lulyo lyaa Bupati, mubili Wakwe; i Muuya Uusalala uli ano mu buyake, kuti uu Mu tondeeye.

¹⁰⁹ Amuzibe, eno amulange. Ncinzi cakacitika muntu umwi na kaampa cikobela Cakwe kaindi awo, i mwanakazi buzuba bumwi? Ta na kajisi kkadi lya mipailo, inga twaamba, pele wa kaguma cikobela Cakwe. Alimwi cindi na kaampa cikobela Cakwe, Jesu waka cebuka koonse elyo wa kaamba, “Nguni wandiguma Mebo?”

¹¹⁰ Petro waka Mu tapatila, elyo wakati, “Nkaambonzi, Mwami, eco ta cimvwiki buyo kuba kabotu. Nkaambonzi, muntu oonse uli mukusola ku kuguma Nduwe. Nkaambonzi ncoamba, ‘Nguni wandiguma Mebo?’”

¹¹¹ Wa kati, “Pele Nda mwana kuti Nda kompama.” Mba ngaye bazi eco? *Nguzu*, i caamba “kuyuma,” zya kazwa kuli Nguwe. “Nda kompama, muntu umwi wandiguma Mebo amusyobo waandene wa kugumwa.” Alimwi Wa ka cebuka koonse elyo wakalanga ku nkamu yabantu kusikila Wa ka jana awo a kali nzila ya lusyomo.

¹¹² Bantu boonse bali mukubika maboko abo kuzyungulika Nguwe, “O Rabbi, tu laku syoma Yebo,” a koonse oku.

¹¹³ Pele kwakali muntu umwi waka Ci syoma ncobeni. Alimwi waa kaguma cikobela Cakwe alimwi waka syoma kuti waka ponesege, nkaambo wakaamba mu moyo wakwe ikuti na waa kali kukonzya kucicita eco nce cico ciyo citika.

¹¹⁴ Wa kacebuka koonse a kulanga aa nkamu yabantu kusikila Wa ka mujana, alimwi Wa kati. . . wakamwambila kuti kuzwa bulowa kwakwe kwa kaima alimwi waa ka ponesege. Sa cili kabotu? Lino, eeyo nje nzila Nja kacita, mu nkamu yabantu.

¹¹⁵ Lino, Ndili muku taminina kuti Ta fwide pe, Uuli buyo muumi kunji sunu mbuli Mbwa ka bedede lyoonse. Alimwi Bbaibbele lya kati, Jesu wa kati, Lwakwe, “Mbubonya mbu ca kabede mu mazuba akwa Sodoma, aboobo mbo ciya kuba ku kuboola kwa Mwana wa muntu.”

¹¹⁶ Lino amulange, takukwe makani musyobo ooyo wa cipego eeco Leza nca jisi atala awa, ku leelede kuba umwi ansi awo, awalo, kuvwiila kuli ncico. Wa ka njila mu munzi, i Bbaibbele lya kati, “Kwakali zintu zinji Nzya ta kali kukonzya kucita

nkaambo ka kutasyoma kwabo.” Sa eco cili kabotu? Ncintu nciconya sunu. Uu leelede ku Mu syoma. Uleelede buyo ku Mu syoma. Eeyo nje nzila yolike njo konzya kucita.

¹¹⁷ Sena mundando wa mipailo ulibambidwe? Lino, muntu oonse abe akulemekaka kwa maminiti buyo aatandila ku kkumi. Ta ndizi na Njo zwidi lila awo, Ndi jisi kutandila makumiobile-atosanwe na makumiotatwe a baimvwi awo. Pele lino, mu mundando wa mipailo, umwi aumwi wanu anze awo mu mundando wa mipailo eyo uuzi kuti Ndili mweenzu kuli nduwe, alimwi ta Ndi zi neciba cintu comwe kujatikizya nduwe, kotambika janza lyako. Umwi aumwi mu mundando wa mipailo.

¹¹⁸ Lino anze mu nkamu yabantu, ooyo uuzi kuti taakwe Nce ndizi kujatikizya nduwe, ko tambika janza lyako. Lino, lino, nceeci eco nce Ndili mu kusola kwaamba, mweenzuma, bona. Lino, nceeci awa. Boonse bakutausi aba atala awa aa cibumbili. Alimwi Kristo waka panga cisyomyo eeci. Mwabona, caka lembedwe. Cindi nzi nce ca keelede kuboola kucitika? Ku mazuba a mamanino, kaku tanaba buyo Kuboola kwa Mwami. Sa cili kabotu? Ca keelede kuboola kucitika mpawo.

¹¹⁹ Lino, elyo ndi Ijwi lya kasinsimwa sunu. Ikutali mumuni wa Luthar; kutali mumuni wa Wesleyi; alimwi akwalo kutali mumuni wa Pentekoste. Wa unka atala aa mugwagwa eno. Lino, Luthar uli kabotu; Methodisti iili kabotu; Baptisti iili kabotu; boonse balo, Pentekoste, ncibotu. Kuli misyobo yoonse iikkede awa masiku ano. Ta cili—ta cili—ta cili muntu amuntu. Ino kuti na . . .

¹²⁰ Yebo inga tokonzyi kwaambila muna Methodisti kufumbwa cintu cijatikizya Luthar, nkaambo ula syoma muku salazigwa elyo Luthar taciti. Mwabona?

¹²¹ Yebo tokonzyi kwaambila muna Pentekosti kuti “kusalazigwa koonse kwa ncico,” wa ka bona kuboozegwa ikwa zipego. Ta ko yoo syoma eco. Peepe, uli jisi cinji kwiinda eco. Mwabona? Alimwi obo mbo bukkalo bwa mbungano ya mamanino obo mbo twakajisi, alimwi Bbaibbele li laamba kuteeti ta kukabi makkalo aa mbungano ambi.

¹²² Pele ku yooba kubungana kwa bantu, mwabona, alimwi mpawo mpo tubede. Lino, amuyeeye, citondeezyo ca mamanino. Sena to bantu tuli muku langila mwana wa kasyomezegwa? Ko tambika janza lyako. Sena ula syoma kuti uli Lunyungu lwa Abraham kwiinda mukuba muli Kristo? Ko tambika janza lyako. Mpawo, Lunyungu lwa Abraham, tambula citondeezyo cako! Ta cili anze mu Babuloni, ta cili kuya anze mu nyika ya tubungwe. Ci li awa aakati kanu, abo iba tali mububi obo anze awo. Ci syome!

¹²³ Ngooyu mwanakazi, ngo mweenzu wini kuli ndime, abusena bumwi kutandila bukkalo mbubonya. Ta ndi na bona mwanakazi mu buumi bwangu. Ikuti na Nda konzya ku

muponya oyo mwanakazi inga Nda ci cita, ikuti na uli cisidwe. Ta ndizi cintu nociba comwe kujatikizya nguwe. Sena mwa mubona ku tambika janza lyakwe maminiti masyonto ainda. Ta—Ta ndina mubona pe. Ngu mwanakazi buyo uyimvwi awo.

¹²⁴ Sunu baseluka ano alimwi a kuleta mulwi wa makkadi aa mipailo, baasanganya oonse antomwe a kwaapa ku bantu. Umwi wa jana mweelwe utalika awa, a mweelwe wakkumi kusule kuya, mwelwe wakkumi atosanwe, mweelwe waciloba, mweelwe...mbuli buyo boobo. Ali sanganisidwe onse antoomwe, nkukonya kumbele lyanu, buzuba abuzuba. Alimwi cindi na itwa, ala itwa buyo koonse akoonse i kuzwa ku masena oonse. Mwabona? Alimwi, lino, yebo tolede akwalo i kuba a kkadi lya mipailo, ko kkala buyo awo aku syoma. Nkaambonzi takukonzeki...

¹²⁵ Lisyambe lwako, masiku ano, kolingula oora ndo tuli mukupona mo. Mwabona? Lino, lilafwi buyo kumana, alyalo, mweenzuma. Lilafwi buyo kumana!

¹²⁶ Lino, ikuti Leza wa Abraham wa ka busya Jesu Kristo kuzwa ku bafu, alimwi kuti Jesu waka syomezya kuti mu mazuba a mamano zitondeezyo nzizyonya ezyo Abraham... kuti Angelo (oyo wakali Leza mu mubili wa buntu) waka cita kumbele lya Abraham, katanaba buyo kuboola mwana wa wakasyomezegwa, Jesu wakaamba cintu nciconya kuti inga ciyo tola busena buzuba bwa sunu.

¹²⁷ Lino, twa bona ma atomiki alimwi a tubungwe, alimwi a zyoonse ezyo, alimwi a mubuyumuyumu obo moba bede. Twa bona Billy Graham kunselelo kuya, alimwi a Oral Roberts, alimwi a boonse balo bantu anze kuya; i mutumwa wa Pentekoste alimwi a mutumwa wa kabungwe kunselelo kuya, tu la bona boonse abo baya buzumanana, ka ba bwezedede citondeezyo. Billy Graham, silwiiyo lwabukombi ku mbaakani, eco kabungwe nco kazumina. Oral Roberts, sikuponya ku mbaakani, mbubonya buyo eco Pentekosti...

¹²⁸ Amu langisye awa, kuli cintu cimwi cimbi caka syomezegwa ku Lunyungu lwa Abraham. Mbaabo ba li kunselelo aakati ka tubungwe twalo; kuli cimwi cintu *anze* kwa tubungwe ceelede ku citika, ku bungana bantu. Tu la ci lekela ciinke mane kusikila junza masiku.

¹²⁹ Amulange, Ta ndi muzi oyo mwanakazi. Ndi yopa syule lyangu kuli nguwe. Ikuti Mwami Leza uyo amba cintu cimwi ku mukaintu oyo, ndiza nca—nca zyaang'anda, ndiza nca makani a mali, ndiza nku ciswa; Ta ndizi pe. Uu yo ziba na cili bwini na pe.

¹³⁰ Ikuti na Uyo cita cintu nciconya masiku ano eco Nca ka cita kaindi, sa inga mula syoma Leza ikuti Jesu Kristo waka syomezya kuti inga uya kuba ano mu mazuba a mamano? Mba ngaye ba syoma ikuti tuli mu kupona mbuli mu Sodoma, ciindi

nyika mbizulwa yanjila mu ciimo ca Casodoma? Mba ngaye banu ba syoma eco nce Nda mwaambila masiku ano kuti ngo Bwini? Nkabela, bana a Lunyungu lwa Abraham, syoma Leza!

¹³¹ Lino, aboobo ci yo cigwisya mu muzeezo wanu kuti Ndi li muku sola kwaamba cintu cimwi ku mwanakazi, kandi mulangide mu busyu, na kuba zintu zyoonse zijatikizya kubalamizeezo na kufumbwa eco nco yanda ku ziba. Kufumbwa muntu oyo uzi kujatikizya kubalamizeezo uleelede kuba a ku yeeya kubotu kwiinda eco. Mwabona? Mwabona? Sena mwaka sola ku bona sikubalamiyeeyo kakambauka Makani mabotu? Sena mwaka sola kubona sibusangu kakambauka Makani mabotu, kali mu ku cita zitondeezyo a zigambyo, kaambilizya Jesu Kristo ikuba nguwenya? Peepe.

¹³² Mwabona, ngo buyo. . .ngo muzeezo wa bantu. Mwabona, bali ofweede. Sena mula syoma na kuti inga baba boofu? I Bbaibbele lyamba kuti bayooba. Sa cili kabotu? “Sikainya, basikuli-sumpula, basikuyanda misaalo kwiinda basikuyanda ba Leza, basikujaya zizuminano, basikulengelezya twaambo twabubeji, batalyeendeleli, ba ta yandi babo babotu, bala ciwa cabukombi, pele bala kazya Nguzu zya mbubo.”

¹³³ Sena Jesu takaamba, mu Musalali Matayo 24:24, kuti “I myuuya yobilo ku mazuba a mamano iyo banga ili konzyenye kuti ikacenge Basale mbabonya, ikuti ni kwali kukonzeka”? Pele ta cikonzeki. Ba kali mu miyeeyo ya Leza ku matalikilo, alimwi ba li cibeela ca Leza.

¹³⁴ Lino, Leza wa Abraham, Izaka, a Jakobo, acizibwe masiku ano kuti Ndili mukwaamba Bwini kujatikizya Nduwe. Ndo Nduwe, Mwami. Cabubombe lekela bazike Bako kuti bakonzye kugwisya miyeeyo yabo beni kuzwa mu nzila, i kuti Yebo ukonzye ku belesya mibili yesu nkambo ka Bulemu Bwako. Mu Zina Iya Jesu, i Mwana wa Leza. Amen.

¹³⁵ Ino cipego ninzi? Kutali cintu cimwi yebo nco bweza aku gonka akusandula. Peepe, peepe. Nku ziba nzila mbo konzya kuli gwisya lwako mu nzila kuti Leza akonzye ku kubelesya. I cipego nkuli gwisya buyo lwako, mpawo Leza wa cibelesya.

¹³⁶ I mulindu kunze lyangu uyoofwa ndilyonya eno ikuti na tana ponesegwa. I mulindu kunze lyangu wakazwaa a ku kombelwa a mwaalumi umbi, enoeno. Uu jisi kkulenge. I kkulege lili mu nkolo yakwe akwalo mu mapunga aakwe. Alimwi waa kazwaa aku kombelwa buyo enoeno, alimwi uli muku sola ku ci tambula kwiinda mu lusyomo kuti wa kaponesegwa. Obo MBU BOOBO MBWAAMBA I MWAMI! Sa cili bwini, mulindu? [I mulindu waamba, “Iiyi, ngu masimpe cili bwini.”—Mul.] Ikuti na mbwini, vwukauzya—vwukauzya janza lyako ku nkamu ya bantu. I Leza wa Abraham uci pona! Kuli kabotu, koya ko syoma yebo eco nco syoma nkabela uyo ba kabotu. Amen.

Ula syoma? Ula amba, “Ino kujatikizya nkamu yabantu?”

¹³⁷ Oyu mwanakazi ukkede awa a nguwe...ku mamanino aa muncali, mulindu wa bili mponya awo. Ciindi ni Nda zyungulukide mponya awa Nda bona cintu cimwi, cintu ci zyungulukide kuboko kwakwe, kufundilila kwa bulowa kabupompa. Uu jisi kufundilila kwa bulowa kwiindilide. Sa cili kabotu, mulindu? Ko tambika janza lyako. Ikuti ko syoma, kufundilila kwa bulowa bwako kuyooinka ansi. I Leza wa Abraham uci li a cicitikilo. Uli mbubonya buyo obo mbu cakabede, Ijwi lya Leza ku buzuba obuno!

¹³⁸ Awa wapona buti? Yebo ulasyoma eno? Koba a lusyomo muli Leza! Kuboneka buyo kuba mwana. Leza ulizi moyo wako, mulindu muniini, Ta ndizi. Sena ulasyoma Leza ula konzya kuyubununa kuli ndime eco cilubide? Sa uyo Mu syoma na kuti Nda cicita? Ta kali kambo ka nduwe, nka kaambo ka muntu umwi umbi, ooyo munyoko wako. Alimwi uli mububyaabi loko alimwi uli mu dolopo lya kunyika awa, Tulare. Alimwi uli mu cibbadela, alimwi uciswa kkulenge lyamubulowa, alimwi ba ma dokotela bamulanga buyo meso kuti afwe. Kunyina bulangizi nobu ceya pe. Eeco cili luleme. Sa ula syoma? [I mulindu, kalila, waamba, “Iyi.”—Mul.] Kuli kabotu. Ino ujisinzi mu janza lyako? Ko bweza eco a kuyo cibika ali nguwe. Alimwi uta ci zumbauzyi. Syoma! Amenii.

¹³⁹ Sa ula syoma? Ta ndina mubona mulindi mu buumi bwangu. Pele Leza ucili Leza! Lino, ndaambile muntunsi uukonzya ku cita eco? Ta cili muku pangwa kwa muntunsi ku ci cita. I ngu Leza oyo Jesu Kristo waka syomezegwa oyo kuti inga uyooba ano mu mazuba aa mamanino alimwi kuti uyo litondezya Lwakwe (kakutanaba buyo i Lunyungu lwa Abraham) mbuli mbuca kabede ku mazuba akwa Sodoma.

¹⁴⁰ Lino awa, Ta ndi muzi mulindu, tuli beenzu kuli umwi aumwi, Ndi yeeyela kuti nciindi cesu citaanzi kuswangana mu buumi. Sa ula ndi syoma mebo kuba muzike Wakwe? Sa ula syoma eci kuba Ijwi? Alimwi ulizi kuti...Eli Ijwi licili sikubeteka miyeeyo a kuyanda kwa moyo. Sena cili kabotu? I Ijwi ngu Sikuponya, akwalo, ikuti na wakonzya ku Li syoma. Ula cita? Uli vumbidwe acinzinziimwa, akwalo, a cinzinziimwa cisiya. Ndi kkulenge. Alimwi yebo ulasyoma kuti Leza inga wa ndaambila awo kkulenge mpoli bedede? Li li mu matumbu aali kungsi, obo dokota mbwaamba. Sa ulasyoma lino kuti uyo ponesegwa? Koya, akuta zumbauzya no kuceya, elyo Leza uu yoo kuponya. Amenii.

¹⁴¹ Yebo ulasyoma, muntuoonse? Mbubonya buyo eco Nca kasyomezya ku cita! Koba a lusyomo muli Leza, uta zumbauzyi.

¹⁴² Tu li beenzu kuli umwi aumwi. Ta ndi kuzi yebo. Ikuti na tuli beenzu, leka nkamu yabantu izibe eco, twa jata maanza esu. Ta ndina bona mwanakazi mu buumi bwangu.

¹⁴³ Sa mula syoma anze awo? Nywebo mula syoma kuti ngu Jesu Kristo? Ino ninzi? Ndi Ijwi Lyakwe. Ciindi bantu aba no ba Li kaka, ta bali muku kaka muntu pe, bali muku kaka Ijwi. Ndi Ijwi elyo lya kali anze, tii lyakakonzya kujokela mukati.

¹⁴⁴ Lino, mulindu mweenzu kuli ndime. Ta ndina ku mubona mu buumi bwangu. Leza ngu Sikuponya. Inga tii caba ca ku ponesegwa, ndiza inga caba ca cintu cimwi cimbi, pele kuti Leza uyo pandulula kuli ndime elyo penzi lyako, uyo ndi syoma na? I cintu citaanzi nco ya ndila mupailo, ngu, ujisi kutwi kutali kabotu. Kumwi kwa matwi aako, yebo tokonzyi kumvwa kuzwa kuli nkuko. Eeco cili luleme. Eeco mbwini. Alimwi mpawo uli jisi cilengwa, alimwi yebo uyanda kuleka cilengwa eco, nca kufweba misanga. Kobikka kanwe kako mu kutwi kwako kubotu eno, kuli kabotu, kutwi kwako kubotu. Kuli kabotu. Lino syoma Leza nkabela koya mu lweendo lwako, nkabela uta. . .nkabela to ko yoo fweba limbi misanga eyi ikuti na wa syoma. Koya, nkabela Mwami a kuleleke.

Yebo wabona eco cacitika. Sa tali Wa ncobeni?

¹⁴⁵ Ta ndi kuzi yebo, tuli beenzu kuli umwi aumwi. Ta ndi na kubwene yebo mu buumi bwangu, pesi Leza uli kuzi yebo. Ikuti Leza wa konzya ku ndaambila cintu cimwi kujatikizya nduwe, sa uyo syoma?

¹⁴⁶ Sa nkamu ya bantu mbiizulwa iyo syoma? Kufumbwa muntu anze awo uuzi mwanakazi? Kufumbwa muntu mu nkamu uuzi mwanakazi? Kuli kabotu, uu lizi na eci cili bwini nanka pe. Eci ceelede ku cisitikizya. Eci ceelede kwaamba i bwini.

¹⁴⁷ Lino inga mwa bona eco cacitika buyo mu maminiti masyonto aa yiinda. Mwabona? Cili buyo. . .Ndili mukuzungaana. Mwabona? Ngu cintu coonse buyo kaciba coofweede kuli ndime. Mwabona, Ci li mukuziba-. Mwabona, Ngu Muuya Uusalala. Ta ndili ndime. Ngu Ijwi lya ka syomezegwa ku buzuba buno. Tii lya kaliko kuzwa ku mazuba aa baapostolo, tii lya kaliko. Pele aa busena mpo cakaambwa, “Mukati buyo kakuta naba ku boola kwa Mwana a muntu. Mbuli mbo ca ka bede ku mazuba akwa Lota, aboobo mbo ci ya kuba ku mu kuboola kwa Mwana a muntu.” Batasyomi taba Ci syomi pe. Ta ba langilwi ku Ci syoma. Pesi basyomi bala Ci syoma!

¹⁴⁸ Lino, ikuti Muuya Uusalala uyo yubununa eci, mba ngaye bayo syoma a moyo wabo oonse, mu yo tambika janza lyanu?

¹⁴⁹ Yebo ujisi kulicisa kumwi. Wa kali mu ndenda ya kkaala, ca kakwela zifuwa zyamusana kuti zyangunuke mu nsingo yako. Yebo akwalo ujisi insa yakakwelwa akwaangunuka. Eeco cililuleme, embo na? Yebo ulasyoma? Uu yo ba kabotu. Alumbwe i Mwami.

150 Yebo ula syoma kuti Leza ulaponya penzi lya insa? Nkokuti kozumanana a kutambula kuponesegwa kwako.

151 Boola, mulindu. Kolanga munzila eyi. Yebo ula syoma kuti Leza ulaponya ipenzi lya moyo? Kuli kabotu, ko zumanana mu lweendo lwako aku syoma, a moyo wako uyo ba kabotu.

152 Boola awa. Yebo ula syoma kuti Leza ulakonzya kuponya musana wako, ku kubamba kabotu? Ko zumanana a ku cisyoma mpawo.

Syoma buyo Leza, oko nku koonse nkoelede kucita!

153 Boola, mulindu. Ula syoma Leza ulaponya penzi lya mwida? Koya, ukalye cilalilo cako, syoma a moyo wako oonse.

154 Boola. Yebo ula syoma kuti Leza inga waponya kuciswa coondamazwi? Nkokuti koya, syoma, a kupanga... alimwi Leza uyo kubamba kuba kabotu.

155 Kuli kabotu, boola. Yebo ula syoma a moyo wako oonse? Yebo ulasyoma? Coondamazwi, lubo. Sena ula syoma kuti Leza inga wakubamba kuba kabotu? Ko zumanana, ko Ci syoma, koamba, "Ndakulumba Yebo, Mwami."

Mba ngaye ba syoma anze awo? Sena mula syoma?

156 Oyu mulindu uukekde awa uusamide dressi lisalala, uutambikide janza lyakwe mu julu mponya awa, uuli mukuciswa kufundilila kwa bulowa kwiindilide. Yebo ula syoma kuti Leza nga wakubamba kuba kabotu? Yebo ulacita? Kuli kabotu. Ko bikka maanza ako aatala lya mulindu oyo ucilila nduwe ansi awo, alimwi mwaambile jwi lyakwe kuteeti liyo ba kabotu. Amenii.

Ndeelyo awo. Amenii. Sena ula syoma? Koba a lusyomo!

157 Ngooyu mwaalumi uukkede awa, uujisi kuswekamalowa. Sena ula syoma, munene, uukkede mponya awa? Iiyi, yebo uu jisi kuswekabulowa. Yebo ula syoma ci laponya?

158 I mulindu uucilila nduwe uu jisi kuswekamalowa awalo, alimwi uu jisi penzi lya musana. Yebo ula syoma Leza kuteeti uyo ku ponya? Yebo ulacita? Ko tambika janza lyako a ku ci tambula. Syoma.


159 Oyu mulindu uucilila nduwe uula penzi lya mauulu aakwe alimwi a kasolo kakwe. Sena uula syoma kuti eeco cililuleme, mulindu? Yebo ula syoma kuti uyo ponesegwa? Ma, ko tambika janza lyako, koamba, "Nda ci tambula."

160 Kuli kabotu, mulindu uucilila kuli nguwe ula bulwazi. Yebo ula syoma kuti Leza uyo ponya bulwazi, mulindu muniini uu samide magilazi? Ko tambika janza lyako, koamba, "Nda ci tambula." Kuli kabotu, ci syome.

161 I mulindu uucilila kuli nguwe uujisi penzi lya insa. Sena ula syoma Leza uyo ponya penzi lya insa, mulindu? Kuli kabotu, ko tambika janza lyako, ci tambule.

¹⁶² I musimbi muniini uucilila kuli nguwe ujisi cibozu. Yebo ula syoma kuti Leza uyo ponya cibozu awo? Ko tambika janza lyako, ci tambule.

¹⁶³ Mba ngaye i ba syoma a moyo wanu oonse? Nkokuti koimkila aa matende aako alimwi ci tambule. Ko nyamuka mu Busyu bwa Leza wa Abraham, Izaka, a wa Jakobo.

¹⁶⁴ Mu Zina Iya Mwami Jesu Kristo nda lomba i Muuya Uusalala uuwe mu buyake lino a kuponya muntu oonse mu Busyu Bwabuleza! 

LEZA NGU SIKUPANDULULA LWAKWE MWINI TNG64-0205

(God Is His Own Interpreter)

Oyu Mulumbe aa Mukwesu William Marrion Branham, wakakambaukwa mu Chikuwa muli Bwatatu mangolezya, Mulumi 5, 1964, ku Kern County Fairgrounds mu Bakersfield, California, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2015 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org